

古今說部叢書

第九集

三

錫經書舍零墨卷四目錄

程黛香

大鑊

題妓壁詩

禾中三詩人詩

詩用稗官語

香光樓

豆異

疑冢

高廟詩聯

烈妓

詩經別解

殿試策

紅樓夢評語

賞花

歐陽文悞字

張野樓

續聯語

詩中氣象

武弁能詩

花鬚卜

竹書誣罔

一丁

乚仙詩

張嘯山

複姓只稱一字

技藝借稱官名

陳鬚螟

香歛詩

曾文正公輓聯

鰥寡

詩中別境

俞太史聯

集句詩

題妓院壁

博愛爲仁

盾鼻錄

詩求敦厚

呂新吾語

霧裏看花客

詩策

金石紀日月

黃昏

櫻桃非男子名

伏獵

葉沂川

圖章

鋤經書舍零墨卷四

上海黃協埧式權著

程黛香

程黛香者。滬上彈詞女郎也。色技兼絕。而尤長於才。嘗自負欲兼黛玉香君而有之。故以爲名。曾見其題馮小青題曲圖云。焚將詩艸了今生。莫再他生尙有情。卿說憐卿。惟有影儂將卿。畫可憐卿。卿題艷曲我題詩。舊事錢塘有所思。後有小青前小小。一般才女兩情痴。美人命薄本多愁。濃福還須幾世脩。一語慰卿。兼自慰留些詩艸也。千秋纏絡悱惻。讀之黯然。同時有陳芝香者。與黛香齊名。葛隱耕詩前輩芝香與黛香會書。未肯便登場。若教往事談天寶。一曲琵琶淚數行。正謂此也。晴牕無事。書此以補花史之缺。

大鑊

杭城蒲署之東偏。有射堂三楹。庭坎古鐵鑊一。廣上銳下。口徑四尺。深可三尺。餘相傳秦檜鑄以烹人者。又松江西門外超果寺。有一大鐵鑊。形制與常鑊無異。惟大可五六圍。深及其半。詢之僧人云。係梁武帝齋僧時所用。近已破碎。嗟

乎。同一鑊也。一則廣結美緣。一則藉張凶焰。亦物之有幸有不幸歟。

題妓壁詩

友人以妓家題壁詩示予。不著作者姓名。其詞曰。碧城縹緲隱紅霞。十二闌干屈曲遮。神女峰前雲是夢。嫦娥天上月爲家。春呼白鳳栽靈藥。曉乞青鸞掃落花。小錄名鑄知第一。詩成親自刻芭華。廻環額誦清韵欲流仙乎仙乎。其殆甞率宮中人乎。

禾中三詩人詩

禾中有三詩人焉。俱以避亂來浦東。余雖未與謀面。而讀其詩。頗深向往。因並錄之。一曰金蓮生。名鴻銓。前任南昌侯。荅人大令之叔也。工書好古。流寓時。邑中名勝題詠殆遍。其放鵬亭懷李辰山先生詩云。坤寧宮中驚戰鼓。御香金鶴沒敗堵。宣德時鑄御香金鶴。以定時刻。見宣德鼎彝譜。危亭日落叫鵲鷗。尙占官家乾淨土。李耶矯矯人中龍。隻手直欲擎蒼穹。請纓年少苦無路。恨殺冠佩假伶工。福藩庸懦天奪魄。半壁東南輕一擲。靖江重建小朝廷。桂王繼起直英特。荷戈萬里邁終童。獻策驚倒瞿文忠。飛書走檄愈頭風。印懸肘後磨青銅。

是時諸臣同戮力。天塹長江重開闢。毀家紓難脫釵環。況有英雄出巾幗。（桂
林戰守三月。劉承允所遣援兵。索餉畢。文忠式赍括庫不足。妻邵氏捐釵珥助
之。）朱絲掛頸悲烈皇。可憐不繫西平王。蠻邦手縛真龍種。猶是天阨非人亡。
歸來高隱茅亭宿。閒放白鷗非行樂。感憤時彈臯羽琴。憂來惟向西臺哭。我朝
碩學重宏祠。遺老聯翩趨丹墀。雄飛不羨沖霄鶴。雌伏甘爲斷尾雞。明知仙佛
皆如夢。被體黃絙示無用。香積廚充義土薇。何曾迷入桃源洞。家亡國破賸間
身。埋骨東湖塔尙存。藏書奚必傳嬌女。遺稿還同付故人。我來弔古尋陳迹。荒
亭盡圯堆瓦礫。長堤衰柳鳥呼風。愁煞蘆花頭雪白。君不見投荒窮老沈太僕。
（沈文光）吟魂飛渡澎湖曲。又不見遺民尙有葉與熊。棄官削髮空王宮。銷聲
匿迹將母同。一日鄭廉卿。又號拜鵲詞客。事跡載前卷。茲錄其遺妾詞爲友人
作云。弄珠樓外織仙槎。（姬平湖人。樓爲平湖名勝。）記訪盈盈碧玉家。叢桂香
中諳姓氏。靈蟾圓處數年華。（姬桂姓。來時年方三五。）鴛鴦綉枕虛佳兆。鸚鵡
開籠漫悔嗟。便嫁才人爲侍史。要脩清福到梅花。難明絮果與蘭因。扇給坤靈
似幻眞。三峽空尋行雨夢。六年孤負惜花人。（自打漿迎來至開閣。遣去計六

年。楊枝遣去非無意。桃葉迎來別有春。此後衾裯看穩抱。喜占連獲石麒麟。中秋偕諸同人玩月云。今歲中秋好明月。皎潔冰輪迴奇絕。人生能得幾回看。月是主人人是客。況復良朋常聚散。月有陰晴有圓缺。難得佳士相逢十一人。會合不期同雲萍。興酣踏月出門去。銅街一條淨瑤素。直上河梁發狂嘯。恨不能到玉宇瓊樓最高處。仙斧借吳剛。斫取桂花樹。姮娥體態許。平視仙樂霓裳引歸路。或聞此語詫太奇。或有嗤我爲狂痴。君不見明月知我不我憾。依然照我步步相追隨。噫吁嚱。人生世上貫適意。傀儡登場本遊戲。不見朝如青絲暮成雪。胡爲役役勞形徒自累。屈指開闢洪濛千萬年。達者無過李青蓮。錦袍捉月謔遊仙。金斗盛酒吸長川。豪氣如虹誰能及。一飲便吟詩百篇。古人已往豈可作。我輩要不被塵縛。此生此夜未孤負。玉露泠泠清詩魂。恨少葡萄美酒三百斛。醉倒不知扶桑升朝暉。一日王瘦石名坤工八法能詩而不善飲。嘗見其題畫詩云。但嗅花香亦能醉。不須更撥麝頭泥。亦可見其性情洒落已。瘦石並工長短句。惜稿多隨手散佚。不及訪而錄之耳。

近人作廣陵懷古詩云。庸王惟知杯在手。孤臣已覺命如絲。上句用宏光事。下指史閣部也。按孔東塘桃花扇傳奇。宏光於南京構薰風殿。窮極奢侈。中懸楹帙云。萬事無如杯在手。百年幾見月當頭。款署吏部尙書臣王鐸奉勅書。詩意本此。然能使事無迹。恰自不嫌纖巧。

香光樓

香光樓在南匯南門內。爲前明董文敏公遺蹟。傑閣凌空。清池環繞。每值荷花盛開。文人墨客。觴詠無虛日。長篇短句。遂滿壁間。然或詠荷花。或懷香光。無非寫景而已。獨有棲雲山人一絕云。人皆題長句。我獨發長嘯。有詩不敢吟。恐被香光笑。二十字包掃一切。

豆異

予雖籍隸上海。而生長南匯。故所聞南邑之事爲多。有某姓者。本邑中鉅族。兵燹後。家頓落。屋宇亦毀於火。因就近僦居。而度舊址爲園圃。一日種豆初熟。採而剝之。則粒粒皆如人頭。耳目口鼻無不逼肖。頸際隱隱有血痕。遂棄不食。豈賊過之處。殺人如麻。故爲怨氣所鍾歟。後亦卒無他異。

疑冢

曹操疑冢在漳河上。宋俞應符詩曰。生前欺天絕漢統。死後欺人設疑冢。人生用智死卽休。何有餘機到邱隴。人言疑冢我不疑。我有一法君未知。直須發盡疑冢七十二。必有一家藏君屍。陶南邨輟耕錄以爲詩中之斧鉞。殊不知老瞞之骨。必不在七十二冢之中。觀元楊璉真伽之禍。則其計豈若是淺哉。近有人反其意曰。人言疑冢我不疑。我有一法告君知。七十二外埋一冢。更於何處求君屍。斯得之矣。按鶴林玉露漳河疑冢。北人歲爲增修。奸雄如曹瞞。尙有曠代之知。亦奇。

高廟詩聯

高廟時御史有奏禁二教者。上出一對云。想忠恕。念慈悲。思感應。三教同心。羣臣不能對。遂罷其議。又爲詩賜羣臣曰。頽波日下豈能迴。二氏於今亦可哀。何必關邪猶泥古。儘留畫景與詩材。洋洋聖謨。洵足爲天下萬世法矣。

烈妓

揚州女校書霞卿者。姓陳氏。工諧謔。善詩詞。嘗有訪蘇小墓一絕云。南朝金粉

忍重論。宿艸萋萋滿墓門。油碧香車零落盡。繁華如夢已無痕。殊清俊可喜。後歸買人張某。泊張死。卽雉經以殉。然則如霞卿者。豈僅以才見哉。嗚呼烈矣。

詩經別解

隨園詩話載有人解青青子衿。以爲兩男相悅之詩。彥周詩話云。鄭風伊其相謔。贈之以芍藥。芍藥破血。欲其不成子姓也。采采芣苢。芣苢卽車前艸。服之令人多慾生子。如此解經。真覺生面別開。特未知其何所本而云然。

殿試策

邇來殿試最重字體。偶有破體別字。讀卷官必票簽爲識。不得。前例若乾嘉以前。則無此例也。嘗見潘三松奕雋吳謫人信中。兩先生殿試策字俱學松雪破體甚多。甚至所作所學作學。惡作惡之類。不一而足。今則斷斷不能。亦可見字學之蒸蒸日上矣。

紅樓夢評語

桐陰清話載某校書便面上。臚列紅樓夢諸人名。下綴西廂曲一句。品評諦當。已覺有目共賞矣。近見禾中鄭縵卿瑞昌所作。錦心繡口。無一語拾其牙慧。上

更冠以花名。亦極工穩切帖。亟全錄之。（情翠）鍾情。（是個捏塑僧伽像）（心花）引愁。（五百年風流孽緣）（鏡花）度曲。（是離恨天）（夢花）癡夢。（裴航不作游仙夢）（散花天女）警幻。（散相思的五瘟使）（絳花洞主）賈寶玉。（宋玉般情。潘安般貌。子建般才）（絳珠仙艸）林黛玉。（看你个離魂倩女）（萬壽菊）史太君。（有福之人）（臘梅）邢夫人。（銀樣蠟槍頭）（瓊花）王夫人。（平生正直無偏向）（牡丹）元春。（一個是仕女班頭）（迎春）迎春。（自然幽雅）（玫瑰）探春。（大人家舉止端詳）（荼蘼）惜春。（全不見半點輕狂）（松花）尤氏。（夢兒相逢）（素心蘭）李執。（不近喧譁）（金銀花）王熙鳳。（任憑人說短論長）（紫薇）薛寶釵。（節操凜冰霜）（水仙）秦可卿。（相見話偏多）（芍藥）史湘雲。（玉精神。花模樣）（芙渠）邢岫烟。（可憐我爲人在客）（西府海棠）李紋。（撲刺刺把比目魚分破）（垂絲海棠）李綺。（郎才女貌年相仿）（紅梅）薛寶琴。（嬌嬌嫡嫡越顯紅白）（美人蕉）傅秋芳。（難道是燕侶鶯儔）（護艸）佩鸞。（不識憂。不識愁）（滿天心）喜鸞。（打扮著特來晃）（牽牛）巧姐。（臥看牽牛織女星）（丹桂）夏金桂。（急

攬攬情懷。(虞美人)尤三姐。(斬釘截鐵)。(波羅)妙玉。(聞你個混俗和光)。(紫荊)嬌杏。(不費半絲紅錢)。(已定一世前程)。(秋海棠)尤二姐。(遊絲牽惹桃花片)。(夾竹桃)嫣紅。(玉容深鎖綉幃中)。(西府桃)翠雲。(羅幃數重)。(剪春羅)偕鸞。(誰教你迤逗他)。(胡行亂走)。(剪秋羅)平兒。(做夫人便做得過)。(梧桐)秋桐。(那管人把妾身呪誦)。(楊花)襲人。(沒來由把我摧殘)。(鐵梗海棠)香菱。(端詳可憎)。(好煞人無乾淨)。(山茶)寶蟾。(猜我紅娘做的牽頭)。(玉簪)鴛鴦。(女孩兒有志氣)。(芙蓉)金釧。(夫人行把人葬送)。(荳蔻)玉釧。(惡搶白不曾記懷)。(木筆)晴雯。(虛名兒悞賺我)。(凌霄)司棋。(人約黃昏後)。(薔薇)侍書。(冷句兒將人厮浸)。(木香)入畫。(濕透凌波襪)。(杜鵑)紫鵑。(好教我左右做人難)。(藤蘿)翠縷。(和小姐閒窮究)。(嬰粟)鶯兒。(真不枉喚做鶯鶯)。(石竹)彩雲。(比舊時肥瘦)。(出落得精神別樣風流)。(珠蘭)瑞珠。(鐵石人也)。(石榴)寶珠。(算崔家後代兒孫)。(丁香)鸚鵡。(教你疊被鋪床)。(夜來香)秋紋。(幾乎險被先生饌)。(茉莉)麝月。(對菱花樓上晚妝罷)。(蝴蝶)碧痕。(枕邊兒濕透非嬌汗)。(月

季)綺霞。(可喜龐兒淺淡粧(蘆花)雪雁(做了個縫了口兒撮合山)。(書帶艸)翠墨。(鐵硯呵磨穿(山丹)小螺(數著他脚步兒行)。(梔子)素雲。(無夜無明併女工)。(雁來紅)小紅(敗朱唇語言的當)。(荷包牡丹)琥珀。(玉人兒歸去得疾)。(梨花)春燕(管甚麼拘束親娘)。(郁李)柳五兒。(乖兒何必有情不遂皆如此)。(蕙蘭)四兒。(既然洩漏怎干休(綉珠)豐兒。(服侍得勤)。(木槿)彩明(他不怕掂斤播兩(李花)珍珠(不曾轉動)。(碧桃)彩霞(常言女大不中留)。(文杏)文杏(料應難離側)。(矮脚)墜兒。(圖謀你東西來到此)。(千年紅)春纖(芳心自警)。(瑞香)茜雪。(權時落後)。(紫藤)綉橘(送煖偷寒)。(金花)傻大姐(小孩兒口沒遮攔)。(桃花)萬兒。(一霎良晨美景)。(稻花)劉老老(積世老婆婆(菜花)村大姐(路柳墻花)。(扁豆)青兒(端的太平車敢有十餘載)。(天竹)智能(佛羅成就了幽期密約)。(玉螺梅)文官(做多少好人家風範)。(十姊妹)寶官(小生正恭儉溫良)。(白蘋)藥官(嬌鸞離鳳失雌雄)。(茶花)豆官(巧語花言)。(槐花)艾官(貌堂堂聲朗朗)。(葵花)葵官(女孩兒恁響喉

嚙。(枳壳)藕官。(小生薄命)。(水木樨)藥官。(至誠種)。(開楊)齡官。(隔花人遠天涯近)。(夜合)芳官。(知音者芳心自同)。(雞冠)玉官。(憂愁訴與誰)。(金錢)茄官。(酒闌人散)。(野薇)晴雯。(癢)。(鳳仙)多姑娘。(儘人調戲)。(水滸)鮑二妻。(花落水流紅)。(百合)雲兒。(桃李春風牆外枝)。(縵卿以名諸生。隱闌闌間。持籌握算之餘。不廢吟詠。蓋亦負才而不遇者歟。)

賞花

四月十二日。相傳爲南邑城隍誕辰。城中演戲酬神。四方士女至者如雲。而縣署亦於是日有賞花之舉。粉白黛綠。畢集衙前。卯橋嘗有詩曰。一羣遊女臉如霞。冉冉行來兩鬢斜。不是賞花留韵事。弓鞋容易踏官衙。又傳少雲祺云。賞花韵說事年年。贏得人稱邑令賢。十萬天魔來海上。不知誰是散花仙。事雖不倫。詩俱清俊可誦也。

歐陽文悞字

歐陽修瀧岡阡表。回顧乳者。劍汝而立於旁。本曲禮負劍辟珥之義。字極古。致

坊本誤作抱汝。便率直無味。醉翁亭記。漸聞水聲潺潺。而瀉出於兩峰之間者。讓泉也。讓泉水名。下文釀泉爲酒。謂釀此讓泉之水爲酒耳。語意本甚明。今諸本俱誤讓爲釀。則費解矣。以上二處。尙有碑板可攷。此外爲麻沙本所誤者。諒復不少。故偶及之。

張野樓

張野樓宏南漚人。少工詩。以嗜酒好客致貧。困頓不能自存。依縣吏爲抄胥。循牆覓句。終日不休。所著名餓餘集。同里李吟香爲梓以行世。詠白髮云。明鏡無偏照。驚看鬢有絲。頭顱今若此。事業已堪知。太白三千丈。昌黎四十時。古人衰或早。未必爲愁思。次韻酬汪竹香云。一笑吟邊更酒邊。相逢記取早春天。能從委巷交窮士。劇有高風似昔賢。屠狗身微雙眼識。雕蟲技小十分憐。桃花潭本君家住。莫怪情深把臂前。畫眉云。金籠誰向隔花攜。百轉千聲曉霧迷。恰好綠牕人乍起。畫眉時候畫眉啼。此外如吳門道中云。渡江三日雨。寒食一村花。懷人云。逝者如斯江上水。愛而不見意中人。登聞港橋云。風闌片帆來極浦。天空一雁下斜陽。俱佳。歿後無子。同人醵資葬。邑之東門外。築亭其旁。立碑識之。亦